

TUMIEZ

***RIMIS E PENSADINIS***

***IN TUMIEZZIN***

*di*

*Federico Morocutti*

\*\*\*

L I S P E N S A D I N I S

\*\*\*\*\*

*Fin al d` di vuei*

# LIS PENSADINIS

## **Indice**

Cu la scus di dâ a ogniun il so

Dismenteasi

E il cjâf

Fasi valei

I Gnierfs da cope

Ideis

Il compliment

Important!

Inrochii

La cjacare

La solidarietât

Legri e serio

Lis pensadinis

Masse lez

No dome sensazzions

Par capi

Par miôr cjastasi

Par miôrîf imparâ

Par svualâ

Parze doprâ il furlàn?

Savei scoltà

Scuele

Sensibilitât

Sielte politiche

*Cu la scuse di dâ a ogniun il so*

*Un dai guscj plui gracj dal om,  
al è il so prossim gjudicâ;*

*seti fasin il professôr,  
il diretô o l'alenadôr;*

*par sintisi lui,  
il Signôr.*

## *Dismenteasi*

*Al è important sintî il gust di dâ,  
a chei che a no an e che a ur po' zovâ;*

*al è cussi che a si po' judasi,  
fin a dismenteàsi.*

## *E il cjâf*

*La int a ti poche,  
a ti sbultre,  
a no ti lasse fermâ;*

*a ti diis,  
a ti domande,  
a ti fâs contâ;*

*ma il to cjaf  
a no ti lasse doprâ.*

## *Fasi valei*

*Fâsi valei al è il moto di vwei,  
par plui cjapâ e mancul paiâ.*

## *I Gnierfs da cope*

*Gnierfs da cope, cussì a si clamin cjacarànt,  
e nol è un sun dolz e nancje elegànt,*

*e pur dal om a guidin l'azion,  
tal tennis sci nuoto e balon;*

*po se ancje ben a si vûl balâ,  
i gnierfs da cope a si scuegnin doprà.*

# Ideis

*L'argoment al è sierât  
ma il cjâf al reste impiât.*

*Senze vulei dal cjâf  
idèis a si distachin*

*e come tal gnot  
faliscjs lusinz,*

*l'argoment a van a sclari  
par fâ viodi e capi.*

*Capî al è un lamp,  
cun tune vôs che a ti dîs:*

*“Cheste a è une idê;  
chest al è important”.*



## *Il compliment*

*Un onest compliment al è un valôr,  
un dovei che al dà plasei  
e al fâs onôr.*

*Important!*

*Pai oms e pas feminis di vuèi*

*al è importànt vèi*

*pôs pèi e tancj cjavèi.*

## *Inrochìi*

*Inrochìi in zornade di vwei  
al è plui facil di ce che al somei.*

*A son i dogmas chei pustiz  
che il cjaf a puartin ai purciz.*

*Se a baste dî “mi plâs cussì”  
tu pos inrochìiti lì par là.*

## *La cjacare*

*La cjacare a è biele,  
se a rive a spiegà;*

*brute,  
se a vûl fâ someâ.*

## *La solidarietât*

*La buine solidarietât;*

*seti dade,  
seti vude.*

*A è simpri ben vivude.*

## *Legri e serio*

*Legri ta serietât,  
par ben lavorâ?*

*Serio te legrie,  
par ben 'zuâ.*

## *Lis pensadinis*

*A no son sentenzis,  
ma dome opinions;*

*a no son pensirs intorzolâz  
ma facilis riflissions;*

*a no vulin afassinâ,  
ma dome fâ pensâ.*

## *Masse lez*

*Calme cun chês lez  
che masse a vulin regolamentâ*

*e che inveze di liberâ  
a rivin dome a scjafôâ.*



## No dome sensazzions

*A no baste capî al volo,  
dome per sintisi integjentz,  
se ben a no si à capî;*

*a no baste sparâ critichis,  
dome par sintisi caragjôs,  
se a no son iùstis e ben dîtis;*

*a no baste fâ ce ch'a si vûl,  
dome par sintisi libars,  
se ducj a no si rispète;*

*a no baste...*

## *Par capîi*

*Umiltât fiduciose  
ta dignitât amorose,  
par ben capîi;*

*presunzion bramose  
ta ariditât vanitose  
par mâl capîi.*

*Par miôr cjatâsi*

*Savei contentâsi,  
senze stufâsi,  
par miôr cjatâsi?*

## *Par miôr imparâ*

*Se alc, miôr tu vulis imparâ,  
cjate cualchidùn che a si lassi insegnâ.*

## *Par svualâ*

*Il motôr al è la convinzion,*

*lis alis a son  
l'entusiasmo l'ispirazion*

*e la prudenze a è il timon.*

*Parze doprâ il furlàn?*

*Prime al ere il furlàn  
e dopo al è vegnût il taliàn.*

*No vergognasi di cjacarâ furlàn,  
che al pò judâ a jessi un miôr taliàn,*

*e di bon ch'al è,  
par savei cui ch'a si è.*

## *Savei scoltâ*

*Ducj a podin dîi  
pocjis peraulis  
che tant a fasin sintii;*

*parchèl al è miôr no ridi  
ma fermâsi e capîi.*

## *Scuele*

*O scule scuele  
che a amâ tu vareiss di insegnâ;*

*ma che spes tu rivis dome  
a insegnâ cemût rivâ.*



## *Sielte politiche*

*Sielgi a cui lis sostanzis dâ,*

*sielgi a cui lis sostanzis gjavâ.*

## *Sensibilitât*

*Sensibilitât a è dentri di se sintî,*

*no dome ce che a si vûl sintî,*

*ma dut ce che il mont al à di dî.*